

19.02.2021

- **Laapi pyecceetipšopirrâdâh koronaepidemia jodálmummuudon- uddâ raijiittâsah já avžuuttâsah anon Aanaar kieldâst**

Laapi pyecceetipšopirrâdâh sirdâšuvá koronaepidemia jodálmummuudon

Pyecceetipšopirrâduv kuávlust láá maan̄gah njuámmumkuáluseh, moi algâ ij lah selvâttum. Meid muttum virus lii tiettum pyecceetipšopirrâduv kuávlust. Uddâ raijiittâsah já avžuuttâsah váldojeh anon Aanaar kieldâst. Laapi pyecceetipšopirrâduv kuávlust **paijeel 20 ulmuu** tilálâšvuodah láá Laapi kuávluhaldáttâhvargâduv miärádâssáin kieldum 22.2.-21.3.2021 ([linkki AVI: n tiedotteeseen](#))

Aanaar kieldâ kuávlust tile lii vala viehâ rávhálâš.

Aanaar kieldâ ulmuin láá raportistum ohtâ koronavirusnjuámmum majemuu oho ääigi já painâšum ulmuuh láá kárttejum. Aanaar kieldâ avžuut káiduspargo puohháid, kiäid tot lii máhđulâš. Toos lasseen avžuutteh muátusyeje kevttim puoh pargosooijn já puoh almolijn soojijn. Muátusyeje kevttim avžuutteh meid pajetääsi já luvâttuv uáppeid. Čuovviittâstoimâ rävvee tärhibeht škovlâlij muátusyeje kevttim.

Avžuuttâsah paijeel 16-ihásij juávkkuäigiájánâstooimâ raijim várás 22.2.-14.3 koskâsii ääigi.

Juávkkuäigiájánâstooimâ avžuutteh koskâlduttid paijeel 16-ihásij uásild čuávvoov kulmâ oho ääigi. Aanaar kieldâ aalmuglâšopâttuv tooimâ (ij kuoskâ káidusmáttáattâsân) koskâlduteh 22.2-14.3 koskâsii ááigán. Aanaar kieldâ avžuut korrâsávt, ete Aanaar kieldâ raajijd rastaldittee kišto- tâi spellâtoomâ iä olášut meid nuorâbij párnái uásild **lávurduv 20.2. rääjist**.

Koronaiskosân älkkeht

Avveel tiervâsvuodâkuávdâš avžuut koronavirusiskosân moonnâm aabâs uccâ-uv tadvâmerhâiguin. Iskosân piäsâ älkkeht.

Iskos lii nuuvtá já puáđus valmâštuvá tijme siste. Väärrid ääigi koronaiskosân Avveel tiervâsvuodâkuávdâä äigiväridemnumerist, puh. **040 188 7400** argâpeeivij tijme 8.15 - 10 já tijme 13-14. Kivkked šoddâm já huápulijn puácuvuotâaašijn pyehtivetted suáittid koccee pyecceetipšoo numerân pirrâ jándur 24/7. Puh. **040 - 770 9187**

Aanaar kieldâ čuávu aktiivlâvt tile já tärkkilist ravvuud táárbu miel.

Lasetiäduh:

Outi Liisanantti
jodetteijee tuáhtár

Ilkka Korhonen
čuovviittâshovdâ

Toni K. Laine
kieldâhovdâ

